



nyamu cia gĩthaka



hĩa na kanya ka mbakĩ



mũhuhi wa rũhĩa

Mũgamb

Wa Kĩrĩnyaga

006



Mweri Wa Mũthatũ



Agikũyũ moĩ kũhitha ndĩa, matiũĩ kũhitha ũhoro. Mũgĩ nĩ mũtare

Mũrũĩrĩri Iphoto Cia Arũti Wira Zarina Patel Kũhurũka



RIP

Rest in peace



Wee tuĩka riũa
riakũmũrĩka njĩra
ya arĩa othe mararũĩra
Ma na Kĩhooto

Macakaya ma Ngatho
cia Ngũgĩ wa Thiong'o
P.3


Mbiyũ wa Koinange ũrĩa warĩ
mũndũ mũirũ wa mbere
kũnyita MA degree nĩwe
watuĩkire Mũnene wa
Githũngũri Teachers College
nake Jomo Kenyatta agĩtuika
mũmimenyereri kana
wa kũmĩtongoria ruhonge rwa
uthamaki (administrator) Page 02



Mũgo wa Kĩbirũ
kana Cege wa Kĩbirũ arĩ
mũgikũyũ na arĩ mũndũ mũgo
kana mũhonania.
Aciaĩrwo Kariara, Mũranga
hakuhĩ na Thĩka no
mũthenya ũrĩa acia- Page 04



Githũngũri Teachers College
Rirĩa Ngũgĩ wa Thiong'o ara-
cerete itũra rĩa Kennesaw kũu
Georgia, nĩ aratarĩrie andu arĩa
aracereire ũndũ matarĩ
maigua. Page 02



Ona gũkĩri ũguo, anake
moumaga America makaiga
mathiĩ Kenya gũcaria atumia.
Angikoruo ti kũrogwo kana
ũrimũ wa gĩthemba
ndiũĩ ingiuga atĩa. Page 08

Mũgo wa Kĩbirũ kana Cege wa Kĩbirũ arĩ mũgikũyũ na arĩ mũndũ mũgo kana mũhonania. P.04

Gthakuinĩ Kia Ngũgĩ Wa Thing'o. P.07.

Wangũ wa Makeri P.05.

Mũgo wa Kibirũ P. 04

Korenji Ya Githūngūri ĩrīa Yaninirūo Nī Nyakerū Hīndī Ya Manjeneti. (Emergency 1952).

Rirīa Ngūgī wa Thiong’o aracerete itūra rīa Kennesaw kūu Georgia, nī aratarīirie andū arīa aracerere ūndū matarī maigua.

Makīrīa Kīrīa, na andīki a “Mūgambo wa Kīrīnyaga” aramatarīirie atī cukuru nene ya Githūngūri, yambīrīrio nī mūtiga irī Mbiyū wa Koinange na nīyo yarī ya mbere gwakwo nī andū airū.

Korenji iyo ya arimū, yarī igweta mūno tondū ona Makere-re hīndī iyo, ndioio mūno.

Arathire na mbere kuu-ga atī rīrīa athūngū monire atī nī yaḡīa na igweta mūno, makīmīnina na makīmītua ta king’eero kana kambī ya kūnyamaria aria marūagīa wīyathi.

Ungīthikīrīria rūgano rūu rūhanaine ta rīrīa andū airū mathiite na mbere mūno būrūri wa USA kūu Tulsa

Mbiyū wa Koinange ūrīa warī mūdū mūrū wa mbere kūnyita MA degree nīwe watuīkire Mūnene wa Githūngūri Teachers College nake Jomo Kenyatta agītuika mūmimenyereri kana wa kūmītongoria rūhonge rwa ūthamaki (administrator)



Mūbeberū gūthika kīhumo kīa ūgī-(National Heritage)

Oklahoma- kūrīa mūamerika nyakerū acokire gūcina.

Ndeto ingī ikuga kinya Mūgo wa Kibirū, nī arathite atī hīndī ĩria andū airū magaka cukuru yao nīguo makagīa na wīyathi. Na noguo gwagīthire tondū cukuru ya Githūngūri, nī yahotire kūnyitithania andū airū. Agikūyū meciririe make cukuru iyo nīgetha, ikorwo ya gūteithia andū arīa matangīahotire kūingira cukuru cia mīceni iria ciarī hinya gwītuo.

Kūrī mwaka wa ngiri imwe Magana kenda na mirongo itatū na kenda(1939), nī gwakorirwo na thukuru cia andū airū mirongo itandatū na inya (64) (independent Schools) iria ciarī na arutwo ngiri ikūmi na ithatū.

Kikuyu Independent School Association, makinyitanīra na Kikuyū Karing’a na nīguo maigire nī megwaka thukuru imwe nene makīmīta “Githūngūri Teachers College”.

Iyo nīyo yakīrī cukuru nene

mūno thīinī wa East Africa na agikūyū meendaga ĩnenehe gūkīra Makerere.

Mbiyū wa Koinange ūrīa warī mūdū mūrū wa mbere kūnyita MA degree nīwe watuīkire Mūnene wa Githūngūri Teachers College nake Jomo Kenyatta agītuika mūmimenyereri kana wa kūmītongoria ruhonge rwa uthamaki (administrator)

Andū me igweta Kenya ta James Gichūrū na Jeremiah Nyaga marī arutani anene Kūu. Githūngūri hīndi io yahanaga ta itūra rīrīa rīa Cambridge Kūu Massachusetts USA na biacara yakīrī nene mūno.

Athūngū moona ūrīa cukuru ya andū airū ikūrīte gūcinda macukuru ma amiceni, magikīrakara mūno na magithugunda ūrīa me-kūmīnina.

Nī makīonire kamweke hīndi ĩria manjeneti (emergency) yambiriirie.

Thukuru iyo ya Githūngūri, igīcinwo na magīaka kambī

hau yarī kūrīa andū airū manyitwo matwaragūo na kūnyamario mūno.

Mekaga ūguo nīgetha andū airū matikagie na kahinda ga gwītua wīyathi.

Hau nīho makire wabici ya DO na igoti rīrīa rītūruga hau kinya o ūmūthī.

Mīthingi ya korenji iyo kiinya ūmūthi ithikitwo nī nyeki irīa mburi na ng’ombe irīaga kinya ūmūthi ūyū.

Githūngūri nī ikoretwo na ateti aingī, na gūtiri ūrī we-ciria kwīra thirikari nene yake korenji iyo ya Githūngūri, itu-ike ta National heritage kana kihumo na ya kūrīrīkania andū harīa wiyathi wa Kenya wathuthundagūo nī athuri acio monete kūrīahu mūno.

Mwandiki nī ndagītari Njeri wa Karugo.



KŪRĪ MŪTIGA IRĪ ZARINA PATEL



Macakaya ma Ngatho cia Ngũgĩ wa Thiong'o

Zarina nĩ watūtiga
No ndūnatūtiga
Ūrĩ o na ithuĩ hingo ciothe
Warĩ kuo hamwe na aruti-a-wĩra
makĩrũira mĩcara mĩiganu
Warĩ kuo hamwe na arĩmi-anyinyi
makĩrũira mĩgũnda yao
Warĩ kuo hamwe na arĩa othe
marũagĩra ha gũkoma
Warĩ kuo na arutwo makĩrega gĩtho-
mo kĩa ũkombo
Arĩa metagia gĩthomo gĩa kwĩmenya
na gwĩtĩya na Kenya yao
Wee, Zarina Patel, Mwarĩ witũ
Ūratũire ũkinyaga ikinya na ikinya
na arĩa marakinyĩra Kĩhooto
Zarina, ũrandirikania cia Gama Pin-
to
Ūrĩa woragirwo nĩ kuga
twĩmenyerere Ūkoronĩ-Mambo-Leo

Zarina, ũrandirikania cia Makhan
Singh
Ūrĩa wambĩrĩrie ciama cia
aruti-a-wĩra Kenya
Mũ-Kenya wa mbere gũthamĩrio
Kapenguria
Atĩ tondũ mwakainĩ wa 1948 nĩetirie
wiyathi wa andũ- a-Kenya
Zarina ũrandirikania cia Desai ũrĩa
wateithagia Harry mwakainĩ wa 1922
Thuku agĩtuĩka ta arĩ we ũranyititha-
nia Gadhi Indian Congress na kĩa
Marcus Garvey
Na nĩ kĩa Ngeretha Ngoronia yora-
gire Nyanjirũ Mũthoni na angĩ 150
Na igĩcoka igathamia Harry Thuku
mĩaka mũgwania Kismayu
Kũrĩa Harry Thuku athambirio
tombo wake akĩheo tombo wa
ngombo
Ngeretha ikĩhota gũtinia ngwatanĩro
ya Africa, Asia na Andũ-airũ a
America.


Zarina reke ndigĩre hau maithori
matige kũnyũrũrũka
Tondũ nĩ njũĩ ndũngĩenda tũite
maithori nĩ ũndũ wa mwĩrĩ waku
Ūngĩenda tũrĩre aruti-a-wĩra a
Kenya, Abirika, Asia na Thĩ yothe
Kĩrĩa ũngĩenda nĩ tũrĩranĩre na arĩa
othe mararũira Ma na Kĩhooto
Zarina Patel mwĩrĩ waku nĩ wacoka
mũmbĩreinĩ
Tĩiri, Mwaki na Ūtheri, Ra
Wee tuĩka riũa rĩakũmũrĩka njĩra ya
arĩa othe mararũira Ma na Kĩhooto
Mwaki
Ūtheri
Zarina nĩ watūtiga
Na ndūnatūtiga
Onei Mwaki
Onei Ūtheri
Nĩ wega Zarina Mwarĩ Witũ





Mũgo Wa Kĩbirũ

mũrathi



mūtī wa
mũgumo
harīa agikũyũ
marutagīra
magongona

Nĩ aragia kinya ūhoru wa mĩcinga na akera andũ matikahota gucindana na mũthũngũ

Mũgo wa Kĩbirũ kana Cege wa Kĩbirũ arĩ mũgĩkũyũ na arĩ mũndũ mũgo kana mũhonania.

Aciarĩrwo Kariara, Mũranga hakuhĩ na Thĩka no mũthenya ūrīa aciarirwo ona kinya mwaka ndũio.

Agĩire ngumo Kenya yoothe nĩ tondũ ūrathi woothe aheanire nĩ wahingire.

Aigĩte ati nĩ gũgoka andũ mahana ta ciĩhuruta kana ciũra cii maĩ inĩ. Nĩ ūkonaga mĩkiha ya thakame yao na ūgakĩona thakame yao igĩcera. Acio nĩ athũngũ arĩa macokire gũka na mahanaga ota ūria aigaga.

Ni acokire akiuga kũrĩ na nyoka nene ikai- ma iria inene kinya iria inini na nirĩo Lake Victoria. Iyo yakirĩ mũgithi ūrĩa waumire Mombasa kinya Lake East Africa.

Ni akirĩ mwĩtigĩre mũno tondũ wa kũhota kũratha maũndũ marĩa magoka na moothe makĩhinga.

Nĩ aragia kinya ūhoru wa mĩcinga na akera andũ matikahota gucindana na mũthũngũ tondũ matimũ na mĩgwĩ ndĩkahota micinga ya mũthũngũ.

Mũico nĩ onirio aĩ thutha wa gũthĩnika mũndũ mũirũ nĩ akaheo wĩyathi na kwahinga ūguo, mũgumo ūrĩa warĩ hau Thika nĩ ūkagũa. Na noguo gwathire tondũ nĩkwagĩire na mbura yarĩ na heni na mũgumo ūcio ūkigũthwo nĩ ngwa ūkiũma.

Thĩini wa bũrũri wa agikũyũ ūcio nĩwe wakirĩ mũrathi mũene na ngumo yake itũraga kinya ūmũthĩ ūyũ.

**Aigĩte ati nĩ
gũgoka andũ
mahana ta
ciĩhuruta kana
ciũra
cii maĩ inĩ.**

**Nĩ ūkonaga mĩkiha
ya thakame yao na
ũgakĩona thakame
yao igĩcera. Acio nĩ
athũngũ arĩa
macokire gũka
na mahanaga ota
ũria aigaga.**



Wangũ Wa Makeri.

ũyũ mũtumia arĩ ũgwati tondũ aikaragĩra arũme ng'ong'o tarĩ gĩtĩ araikarĩra

ũyũ arĩ mwaki wa guoterwo haraihu



Kwĩrĩkanaga atĩ cibũ wetagwo Karũri wa Gakure nĩ aceraga itũra rĩa Weithaga na makiendana na Wangũ wa Makeri. Muthuri amenya magĩtigana

Wangũ wa Makeri(1856-1915 or 1935 aciariirwo itũra rĩa Gĩtie Mũranga arĩ mwana wa Gatuika Macharia na Wakerũ. Nĩ athomire cukuru handũ ha gũikara ta ciana irĩa ciatũraga migũnda ikĩrimaga.

Arĩ o kũu cukuru, nĩ acemanirie na ũria wacokire gũtuika mũthuri wake wetagwo Makeri wa Mbogo.

Mahikania nĩ magũire ciana ithathatũ kũu itũra inĩ rĩa Weithaga Mũranga, gitarũ gĩa gatagatĩ..

Kwĩrĩkana atĩ cibũ wetagwo Karũri wa Gakure, nĩ aceraga itũra rĩa Weithaga na makiendana na Wangũ. Rĩria mũthuri wake amenyire, akĩrakara na cibũ ũcio nĩ endaga kũmũtua

hendimeni no akĩrega no oria Wangũ agĩtikĩra.

Wangũ nĩwe wakĩrĩ mũtumia wambere gũtuika hendimeni(headman) na thutha wa kahinda kanini nĩ etigĩritwo mũno tondũ gũtirĩ mũndũ etigagĩra..

No kwĩrĩkanaga atĩ mũthenya ũwe makĩmuhenia aine Kibata e njaga, na rĩria ekire ũguo hĩndi iyo nĩ hau ũnene wake wathirĩre.

Karũri wa Gakure arĩ kibata mũthenya ũcio Wangũ econorithirie nanĩ ũndũ wa gũiko kũu akĩmwĩra atige wĩra wa ũhendimeni. No ngumo yake nĩ yatambire bũrũri wothe

Mũgani nĩ Njeri Wa Ngure



Thirikari ya Kenya nĩ ñrageria Kũnina Njohi Cia Ibango Ona Ndawa Cia Kũrebia.



Kuma rware kinya Kiambu Gachagua araigĩre atĩ gũtirĩ mũndũ ũgũcoka kwendia karubũ kana chang'aa ya mithemba yoothe tondũ nĩ ñthũkĩtie imwana kinya tũrendi tũnyinyi tũrĩa tũnyuaga tũkerigwo.

Andũ a njohi cia ibango nĩ monete nganga mbute tondũ mũndũ wa rware wĩtagwo Gachagua ndarenda wana na atuite nĩ mekũn'gara kahinda kanene. Kuma rware kinya Kiambu Gachagua araigĩre atĩ gũtirĩ mũndũ ũgũcoka kwendia karubũ kana chang'aa ya mithemba yoothe tondũ nĩ ñthũkĩtie imwana kinya tũrendi tũnyinyi tũrĩa tũnyuaga tũkerigwo. Gachagua arerire macibũ moothe mathiĩ na mbere kũnyita arĩa mendagia na ona arĩa maranyua njohi iyo yũragĩte andũ anyinyi ona matari na bamĩri. Ni kieha kĩngĩ tondũ

andũ arĩa magĩrĩrwo gũkũria bũrũri nĩo maranyua kuma rũcinĩ kinya ũtukũ na aingĩ marĩkagia kwaga ciana. Kũratuĩka ona njohi ñyo nĩ itete micĩĩ mĩingĩ mũno athuri aingĩ mona ciana irĩa ciaciaruĩo itimahana.


Nĩ wĩra ũgũkorwo na hinya mũno tondũ andũ arĩa mendagia njohi icio makoragwo me hamwe na borithi irĩa maheaga mbecha nyingĩ.

Nĩ kũri na ikundi nyingĩ mũno gĩcigo gĩa gĩtarũ kĩa gatagati na tũkũhoya mũrũngu eke kwenda gwake tondũ nĩ undũ wĩna kieha mũno tondũ rũrĩrũ rũgima no rũhuke.

Uyũ nĩ ribota wĩtagwo
Wanjirũ Wa Karuitha



nĩ megũtoria kana no matũhũhũ



MWARĪ MŪIRŪ NĪ KĪRORERWA KĪA NĠAI

Irebeta rĩa Ngũgĩ wa Thiong'o

21 July 2020

Ndandĩkire Irebeta rĩrĩ, MWARĪ MŪIRŪ NĪ KĪRORERWA KĪA NĠAI, mweri wa Mũgwanja, 2020, Karĩbonia, gũkumia ũthaka wa mũndũ mũirũ. Ihinda rĩrĩ tũrĩ, o hamwe na gũkomererio nĩ Corona, Andũ airũ nĩ makomereirio nĩ rũthũro rwa gĩkonde kũirũ. Rũthũro na ũthutũkanio ũcio umanĩte na hĩndĩ ya ũkombo na hĩndĩ ya ũkoronia. Twakaga, angĩ makainĩra nyũmba twakĩre; Tũkarĩma, angĩ makagetha. Ta gũkũ USA, andũ airũ, arĩa hinya wao wakĩre bũrũri ũyũ, nĩ marooragwo, na matũire moragagwo, nĩ ũndũ wa gĩkonde kĩa kũirũ. Ngakĩuga tũtingĩkĩhũrwo na ithuĩ twĩhũre; tũnyararwo, na ithuĩ twĩnyarare kana gũkobia gĩkonde kĩa arĩa maratũnyararĩra giitũ. Nĩ twĩkumie na ũirũ witũ, tũrũgamũire igai ritũ, rĩ rĩa tũri na mwĩri, na rĩ rĩa maciaro ma moũko na meciria Maitũ.




Njuĩrĩ yake ĩruraga ũirũ ĩkarĩrũka marĩrũ
Amĩoha makundo,
Mũmwĩroreri akerĩrĩria ikundo rĩa
ũirũ ũyũ anyotoke.
Amĩrama mĩhari,
Mwĩroreri arenda kũgereria twara
tũcĩrainĩ gatagatiĩni ka mĩhari ĩyo.
Amĩthondeka kĩ-afro, ĩgatuĩka
thũmbĩ ya ũthaka.
Agĩkinyũka na gũkinyũkia
Mũndũ arenda gũkinyũkania nake;
Acũacũa,
Mũndũ arenda gũcũacũania nake.
Ainamĩrĩra kwĩrorera ihũa
Mũndũ arenda kũrĩnamĩrĩra
arĩkie ritho.
Reke Nyarari ĩno yenge igego,
Ūtheri warĩo ũkagegearia mũndũ
O nake akenga igego.
Uma mũrakaru
Akarakarũkwo
Uma na ihooru

Akahoohũkwo
Uma na kĩa
Gĩkamweherera.
No Nyarari ĩno ti ya gũthakĩrwo
o ũguo ta kĩbica,
Kana kũnyamario hakiri na ciugo
kana mwĩrĩ na ciiko.
Nyarari ĩno nĩ yũĩ gwĩtetera
na ciugo:
No ciake ciumaga rũrĩmĩĩnĩ rwake
ĩrĩ thime.
Nyarari ĩno nĩ yũĩ kwĩgitĩra
na ciiko:
Amu nĩ njorua ya ngundi na ndeke.
Wee!
Nyarari ĩno ti ya gũtangatangagwo
nĩ takataka wa ũtarĩ na thoni kana
gĩtiyo.
Mĩhutie na matharau, ĩgũtũma
wone njata mũthenya barigici, amu
Nĩ yamenyire o tene kwĩyũrĩria na
kanua,

Na kwĩgitĩra na moko.
Wee!
Yugaga ũtumia ti gũtumia kana
gũtumĩrĩria mathĩnĩkio.
Mũgambo wa Nyarari ĩno Nyakairũ
Ūinagia rwĩmbo ngoroinĩ ya
mũmĩthikĩrĩria.
Ngoro ĩyo ĩgatumatuuma
ĩgatherũka gĩkeno,
Rũrĩmĩ rwa mũthikĩrĩria naruo
rũgatumũka rwĩmbo rwa
Gũkumia Ūthaka wa Muoyo.
Wee
mwarĩ wa njata na mweri na
Ra-Riũa
Tiga kũhumbĩra riiri waku
Wee
Riiri waku ti wa kwĩrirwo nĩ wa
kwĩrĩrĩrio
Mwarĩ mũirũ nĩ kĩrorerwa kĩa Ngai.

Ciatura ngũyũ ĩriaga ng'umo.

Mūtūrĩre Mūritũ America



Wangithi Kago

Būrũri wa America gũtirĩ mĩbango ya gũtũma andũ anyinyi kuonana tabarĩra cia kũmenya mũkarĩre ta irĩa ĩkoragwo Kenya.

Undũ ũngĩ airĩtu a America maraga andũ a kũmahikia nĩ tondũ arũme arĩa me būrũri wa America magĩire na meciria ma kũmonia atĩ airĩtu a kuma Kenya nĩ eega gũkĩra arĩa me America.

Mohiki maingĩ būrũri wa America matiraikara na andũ maretana mĩrura handũ ha mĩeri mĩnyinyi na magatigana na angĩ makoragwo.

Airĩtu a America nĩ moĩ gwĩta borithi mũũno kwagia gathĩna

kanini na athuri ao makanyitwo na mũico wohoro magatwarwo njera.

Andũ arĩa maratigana gũkũ America nĩ aingĩ mũno na gũtirĩ wina mũnyaka kinya arĩa magĩraga atumia Kenya magĩcira atĩ nio eega. Makinya America na mamenya mūtūrĩre wa gũkũ, mahanaga ota arĩa maikarĩte būrũri ũyũ.

Andũ mekwenda gũcoka makanitha inĩ na hihĩ kũu mũndũ ahoora kũgũira mũndũ wa bata.

Ukiuma Kenya ũmeenyege atĩ mūtūrĩre wa America no ũritũhe mũũno.

Mũthako ũrĩa wĩtagwo "Green card

lottery nĩguo ũhũthagĩrwo kaingĩ gũũka America.

Andũ a Kenya nĩ aingĩ mũno matũra marĩa manene ta Dallas, Houston, Austin, Washington State, Kansas City Missouri, Kansas City Kansas, Boston, Chicago, Maryland, DC, Atlanta GA na matũũra mangĩ maingĩ.

Ona gũkĩri ũguo, anake moumaga America makaiga mathii Kenya gũcacia atumia.

Angĩkoruo ti kũrogwo kana ũrimũ wa gĩthemba ndiũĩ ingiuga atĩa.

Uyu nĩ Wangithi wa Kago.

Airĩtu a America nĩ moĩ gwĩta birithi mũũno kwagia gathĩna kanini na athuri ao makanyitwo na mũico wao magatwarwo njera.

Mũthako ũrĩa wĩ tagwo "Green card lottery" nĩguo ũhũthagĩrwo kaingĩ gũũka America.

Aka matirĩ cia ndiuro no cia nyaniko.



Ona America gwĩ thĩna.



Wahota gwĩciria atĩ thĩna ũrĩ o Africa no tigwo tondũ thĩna wĩ kũndũ guothe kinya America.

Itũra ria Georgia nĩ kũrĩ athĩni aingi arĩa matarĩ kinya kũndũ gwa gũkoma, na mararaga rungu rwa ndaraca kana thĩinĩ wa makari makurũ.

Wĩra wao nĩ kũhoya mũthenya kaingĩ matawa inĩ kana ithaku cia nduka.

Thirikari ya America ona gũtuika uguo nĩ ĩgeragia kũhitha thoni na kũmaingata na angĩ magatwarũo njera. Andũ arĩa meonaga matarĩ na ũhoti aingĩ ao nĩ aria makoragwo na macira ma kũrora ciana iria maciarĩte na airĩtu matarehota.

Maaga mbecha iria igoti rĩatua marikagia kũnyitwo na magatwaro thĩinĩ.

Njohi nayo nĩ itũmite andũ aingĩ moone ũũru tondũ waheo tigiti ya njohi gutirĩ kũndũ ungiõna wĩra na

acio nio marĩkagĩrĩria kũhoya mbere njĩrainĩ.

Ona andũ a Kenya amwe ao magĩkoragwo makĩrĩ ta acio maciarĩrwo America.

Mwandĩki witũ acera kũmakora tucorocoro tũrĩa maikaraga nĩ aratũnganire na mũkenya ũmwe mũnyinyi uhoyagĩra njira itagũo Flanklin. Amũria nĩkĩ atangĩruta wĩra aramũarĩria na githweri na arona ota cokora cia mũciĩ.” Maĩe ni makarata-sĩ”,, sina chochote na sitaki kurundi nyumbani. No kũmũhe ndola ikũmi aramũneire na araugua tha nyingĩ no ndarĩ na uhoti angĩmũhe.

Mũndũ akiuma Kenya amenye atĩ gũku America ti gũtheke na kũhĩtania maathani no ta kũbucia na wahota kwĩyona handũ haceke mũũno.

Mwandĩki nĩ Kabera Wa Njambi

**Mwandĩki witũ acera
kũmakora tucorocoro tũrĩa
maikaraga nĩ**

**aratũnganire na mũkenya ũmwe
mũnyinyi uhoyagĩra njira itagwo
Flanklin. Amũria nĩkĩ atangĩruta
wĩra aramũarĩria na
githweri na arona ota cokora cia
mũciĩ.”**

"Mazee ni makaras sina"

Trump Athitangĩtwo Kũu Igoti Inene rĩa Manhattan



Trump arehĩta atĩ athurwo, gũtiri mũndũ ũtarĩ na maratathi ũkaingĩra bũrũri wa America, ona arĩa mekuo matarĩ no akamaingata macoke kwao.

Mũthuri ti Donald Trump ena thĩna ũtahana wa nguo tondũ athitangĩtwo kũu igoti rĩa Manhattan na mahĩtia mĩrongo itatũ na inya.

Ūria warĩ mwandiki mũnene wa National Enquirer witagwo David Pecker nĩwe mũira wa mbere naniararũgamire kũruta ũira.

Mũthuri Trump ena macira matahana na ũria wĩ igũrũ nĩ ũcio wa kũhithania mathabu ma biacara nĩ getha ahithe ndora million igana rĩa thate. (\$130 million).

Icio nĩ iria ciarĩhirwo kũri mũthaki wa thenema cia andũ agima witagũo Stormy Daniels.

Kũratũka atĩ no marĩ na thiriti ya ũrĩrĩ mwaka wa ngiri igĩri ikũmi na ithathatũ. (2016) hĩndĩ ya ithurano. “giko kũu nota ũkora wa ithurano Kaimana”. Mũthuthuria Mathew Colan-

gelo arerire igoti akiambĩrĩria kũruta ũira wake.

Nake Todd Blanche ũria nĩ wakili wa Donald Trump aramũcokeria “gũtirĩ watho ũgirĩtie kũhe mũndũ mbeca nĩ getha ateithĩrĩrie gĩthurano”.

Trump arehĩta atĩ athurwo, andũ arĩa oothe matarĩ maratathi ma kũingĩra bũrũri wa America, ona arĩa mekuo matarĩ no akamaingata macoke kwao.

Kwĩ hĩndĩ ona ararakarĩte mũno

na aramaringithania na nyamũ cia ithaka, ariganĩirwo atĩ ona mũtumia wake, ti wa America gũciarĩrwo.

Ciira ũcio no ũrathĩi na mbere.

Ribota ni Njau wa Njimuthi.



Andĩkĩri Mũgambo Wa Kĩrinyaga.

Marũa Kũrĩ Mwandĩki

email-diasporatimeskenya@gmail.com



Arch Dr. D.K. GITAU



Thingira Wa Gitau



Prof. Ngũgĩ wa Thiong'o

Tambisĩ kũnene Mworagĩa nĩrĩ, ĩno niyo ngatheti ya Mũgĩkũyũ, talkĩria mũrata waku athome nake akĩmenye o kaundũ. Tambisĩ kũnene

nyamu cia githaka hĩa na kanya ka mbaki mũhuhi wa rũhĩa


Mũgamb  **Wa Kĩrĩnyaga**

004 Mweri Wa Mũhatũ

Andũ a Kenya nĩ arakaru mũno nĩ mütũrĩre Kũritũha na aingĩ marauga thirikari ya Ruto nigũte



Kenda Mũiyũru
Rũgano rwa Gĩkũyũ na Mũmbĩ



Ngũgĩ wa Thiong'o



Wangithi Kago




Ndũngi Githuku





Amb. Dr. Hon. Elder Robinson Njeru Githae
LL.B (Hons), DIP. LAW, CPS(K), MGH, EGH

Fortnjewan House, 214 Ruaka Road, Runda




0721 724 100 P.O Box 60323-00200, Nairobi drrngithae@gmail.com

BOOKS LAUNCH INVITATION

Please allow me to invite you to the launch of my first 15 published books, on **Thursday, 2nd May, 2024** at **The All Saints Cathedral meetings hall at 5.00 PM.**

The books are:

1. The Trial of The Mysterious Mugo wa Kibiru
2. The Trial of Field Marshal Dedan Kimathi
3. The Trial of Tom Mboya
4. The Trial of Ceasar's Wife
5. The Trial of Seer Elijah Masinde
6. The Trial of Mary
7. The Trial of The Engrish Ranguage Vol. One
8. The Trial of The Governor
9. The Trial of The Hawker
10. The Trial of The Spinster
11. The Trial of Faith
12. The Trial of Hope
13. The Trial of The Bachelor
14. The Trial of Triumph
15. The Trial of Peace



I wish to personally invite you to join me in the in books launch. Your presence will be greatly appreciated and treasured.

Amb. Robinson Njeru Githae



Mpesa No. 0721724100

Bankers : Equity Bank Ltd | Branch : Village market | Account : 0180292230218



ũyũ barũthi nĩ mwandĩki mũnene





Mũgũnda nĩ mũthithũ Hũra thimũ Kwĩna buroti njega Malindi irendio nĩ OPTIVEN. 0790 300 300

OFFER!! OFFER!!



Pay cash and Save up to **Ksh 118k** to take your **M-permanent** to **Dubai**, boost your business, spoil your loved ones, and so much more.

JENGA HOLIDAY HOME SASA NA OPTIVEN
T&C APPLY

JOY LOVERS CLUB - MALINDI

23 400 500 or 0790 300 300



Wĩnyitĩire ndahana ũtarĩ ona gatũũ

